

Magia naturalis.

Nalt die Haar vber den Rauch des lebendigen Schwefels/ so werden sie weiß/ sagt Forestus lib 8. observ. Med.

Item schön Haar zeugen/ vnd die Milben darinnen zuvertreiben

Nim Wasser/ darüber Siebengezeit gesotten ist/ vnd wasche das Haar damit. Dieses Wasser ist auch gut dē Frauen/welche gern lang goldgelb Haar hetten/ den es vber die masse schön Haar zeuge.

Haar Schwarz zu machen

Nim Weinreben/ oder Eichenholzkaschen 2. Pfund/ geschmolzen Alaun 3. Pfund/ Litargirium 1. Pfund/ Fuliginum 3. vnzen/ Gummi arabicum, 3. vnzen/ gemein Wasser 10. Pfund vngescholten Kalk 3. vnzen/ stoß es alles wol zu Pulver/ vnd laß es sieden/ biß daß der dritte Theil eingesotten/ zerlaß es/ vnd behalts im einem Geschirr/ wol vermacht/ vom selben nehe deinen Bart oder Haar mit einem Schwam vnd laß es trucken werden/ so werden sie schwarz.

Item/ thue Eisenfeil in starcken Weinessig 10. Tage lang/ schmiere die Haar damit.

Oder/ nim Jungfrauen Kalk 2. vnzen/ gestossen Litargirium 1. Pfund/ thue es zusamen/ vnd temperier es mit warmen Wasser/ daß es werde wie eine Salbe/ vnd schmiere die Haar damit/ wickle sie in ein leinen Tuch/ so lang biß sie trucken worden/ reibe darnach die Haar/ vnd wasche sie mit Laugen vnd Seiffen.

Item/ nim Seiffenlauge/ vnd laß ein viertel von einer Maß entweichen/ thue es in ein Topff/ mit drey Pfennig Gewicht schwer güldenen litargirium vnd vor 2. pfennig Spangrün/ vngesehr/ als
eine